

NY KARAMA TSY MIAKATRA

Loza ity vidin'entana tsy mitsaha-mitombo ity

Vao nigadona ny taona 2023 dia efa SAINA hafa-hafa no tsikaritra eny amin'ny tsirairay, tao ireo nilaza fa kabary politika fandokafan-tena no nataon-dRajoelina tamin'ny fiarahabana taona vaovao iny, fa tsy mba hita izay kabary ahitana tombontsoa ho an'ny vahoaka iray manontolo, hoy ireo zokiolona maro niantso an-tariby anay avy eny Avaradrano sy ny manodidina an'Ampitatafika iny. Nanambara fa ity vidin'entana tsy mitaha-mitombo ity no tena loza ho azy ireo, ny vola fisotroan-dronono sy ny karama dia tsy misy fiovana mihitsy hoy izy ireo, nefa ny vidin'entana, ny vary, ny saribao, sy ireo Ppn hafa, dia misondro-bidy hatrany.

Tsy rariny mihitsy hoy ireo avy eny Talata-Volonondry satria atao tian-kano tsy tian-kano "Abus de pouvoir" ny taninay, izay lazaina fa hatao "Auto route" io, ny tany simba, ny vola sahaza tsy voaray, nefa dia mbola fahavaratra koa no manao ny asa toy ireo lalam-pirenena potiky ny orana ireo, izay efa tsy ara-dalana mihitsy raha atao bango tokana. Ny vola tsy azo; ny vokatra maty, ny tena kere hatrany.

Satry aza hoy ireo mpivady be taona, maka rivotra miala sasatra any ambanivohitra hisy andro ratsy, rivo-doza, sy ny sisa hanaovan-dra-Fanjakana fialan-tsiny atsy ho atsy ity tandrevaka misoko miadana sy paik'ady manimba firenena ity, mba ho fialan-tsiny ma-

Vovonana IFIM

Mijoro ho amin'ny fanavotam-pirenena

Hijery ny fomba rehetra, ahafan'ny vahoaka mandray andraikitra manoloana ny fivoaran'ny toedraharaham-pirenena ny vovonana IFIM (Hetsika iombonana ho fanarena-ia ifotony an'i Madagasikara). Nilaza Andriamatoa Manantsoa Victor mpi-kambana IFIM, fa tsy novalian'ny fitondram-panjakana ny fe-potoana iray volana nomen'ny IFIM, mba hahafahan'ireto farany mandray an-tanana sy mikarakara ny fikao-nandoham-pirenena hitadiavam-bahaolana, manoloana ny fahasahiranana ny vahoaka Malagasy. Nanohy fanazavana ity mpitarika vovonana IFIM ity, fa nandiso fanantena an'ireto farany ny tsy



niresahan'ny filoham-pirenena ny fikaonandoham-pirenena nandritra ny kabary natao ny faran'ny taona 2022 teo, kanefa zavatra laharam-pahamehana ny fanatanterahana ny dinika nasionaly, entina hamaritana ny ho avin'i Madagasikara. Ni-



Anisan'ny midangana amin'izao ny vidin'ny saribao.

nara-PENITRA ihany koa. Tsy rariny ihany koa raha finitina hoy ireo marobe miSAINA, ny nahita ilay SAINA teo ankilan'ny Praiminisitra ny zoma alina lasa teo satria tsy voahaja intsony ny Maitso, Fotsy, Mena, noho ilay saina hafa kely teo akaikiny, misy kintana sy masoandro. Sa ve, efa io olona io mihitsy no efa very saina noho ny politikan-dRajoelina efa tsy rariny io intsony?

Beharo

Madagasikara manomboka izao. Nanohy fanazavana i Riribe, fa voakasik'izao antso izao ireo antoko politika; ireo fiarahamonim-pirenena; ireo fikambanana maro samihafa, mba hifanome tanana amin'ny fanafahana an'i Madagasikara. Tsiavina fa nifarana tamin'ny 16 Janoary 2023 lasa teo ny fe-potoana nomena ny fitondram-panjakana mba hamaliana ny hetahetan'ny vovonana IFIM kanefatsy nahitam-bokany izany hatreto ary ny firosoan'ny fitondram-panjakana amin'ny fikaonandoham-pirenena entina hanavotana an'i Madagasikara irery ihany no vahaolana.

Franck Razakambelo



Fifidianana ho avy

Mba tsy ho fifidianana hikorontana toy ny an'ny OJM sy ny OMDA

Arphine Rahelisoa Helisoa : fifidianana OJM, OMDA. Taratry ny fifidianana hisy eto fa Mila mailo a! Mila miresaka aloha. Mba tsy fifidianana hikorontana toy ireny nitranga ireny ny fifidianana filohampirenena ho avy.

Jean Claude Rakotoarisoa : zatra2 ny andro ririnina eo io Dia mitetika ny mbola hanao hitsindalana @andro fahavaratra eo. Mailo!

Daby DinhVan : hataony ankarihary io hala-bato io raha ny tanjaky ny pouvoir-ny na dia tsy misy hifidy azy aza. 10000 fois toy ilay nataon'i Rossy tao Mahamasina iny.

Ranaivorazo Feno : efa vitany daholo nanolo lehiben'ny fkt hatr@ dir Epp aza voasolony izay tsy nitovy firehana taminy, MILA GOUVERNEMENT NEUTRE TSY MANOHANA CANDIDAT ALOHA E !

Ranoux Ramaholy : tena marina zany, nisy tsy naiaiky d afaka nitondra olona nilahatra, afaka nifampiresaka d afaka nifidy daholo, tsy nisy Emmoreg.

Vololona Elisa : MINOA, SAHIA, MIJOROA, ampy zay, mila mandray ANDRIKAITRA n'y Olompirenena tsirairay e!

Arnold Herisoa : zany mitsy, lako tampoka be tsy maharaka akory ny mpanakanto any amin'ny faritany any.

Randriarimanana Fanjaniaina: MIRAY HEVITRA

AMIN'NY VONDRONA MPANAKANTO TETO ANTANANARIVO, IREO MPANAKANTO ATY TOAMASINA. Nanambara fa mitovy hevitra tanteraka amin'ny mpanakanto toa an-dry Rossy, Jaojoby sy ry Samoela ary ireo samy mpanakanto rehetra.

Eléonore Razafimanantsoavina : kolontsaina fampisarahambazana no kolontsaina volen'ny ministra Lalatiana sy ry Andry Rajoelina.

Rasolo Cla : ministeran'i Lalatiana mihitsy no tsy mandeha amin'ny laoniny, mandika lalana lava.

Boniface Zakhah'Eli : solution n1300000. coflit de génération eselehh !

Bruno Randriamampianina : tsy 2018 intsony ny 2023, tsy hisy hanaiky fifidianana tsy marina intsony eo.

Carole Volazara: mpitondra efa hita fa tsy mahavoa raha io, tsy hisy hanaiky raha hataony eo koa amin'ny halabato zeny.



Ny Valosoa sy faka-faka

Fandoavam-bola amin'ny foibem-panadinana

Tsy miraharaha ny fampianarana izao fitondrana Rajoelina izao


Niharihary nanomboka ny alahady 15 Janoary lasa teo ny fomba fihevereny olona eo anivon'izao fitondrana izao, ny momba ny fitenenana avy amin'ny olom-pirenena isan-tsokajiny. Anisan'izany ny toriteny teny Antsonjombe izay nanehoan'izy ireo fihetsika sy fanehoan-kevitra somary mirefarefa ihany. Raha amin'ny lafiny finoana no andraisana azy, dia mbola ilay olona eo amin'ny lenta misotro rononpanahy izy ireo ary mbola ho ela vao hihinana ventin-kanina raha tsy mahatsapa tena. Tsotra ny fahitana azy, ary voarefy mazava tsara amin'izany izy ireny. Tsy asiana resabe intsony iny, fa efa be dia be izay resaka momba an'iny izay, fa andrasana in-dray izay tranga hafa hampitsangam-bolo ireo olon'ny fitondrana ireo.

Etsy ankilan'izay, nanaitra ny saina ny nandre, fa misy ny vola aloan'ny mpianatra hanàla fanadinana amin'ity taona ity, izay tsy mba nisy izany tany aloha na tamin'ny fitondrana teo alohan'izao fitondrana Rajoelina izao. Ireo mpianatra hanàla fanadinana Bepc, dia voalaza fa mandoa vola amin'ilay foibem-panadinana hanaovany fanadinana, vola mitentina 3500 Ariary io, ary nanaitra ny saina, ny mpiadina no miantoka ny taratasy vakiraokany avy na ny feuille de brouillon ampiasaina amin'ny fanadinana. Kahie 50 pejy io, ary alefa mialoha any amin'ny tomponandraikitra ho hasiana fitomboka. Tsy efa maneho miharihary ve izany, fa tena ataon'izao fitondrana izao ambanin-javatra ny fampianarana, fa any amin'ny sehatra hafa no andaniam-bola be. Ny zana-bahoaka terena amin'ny fitaovana hanalàn fanadinana, raha tsy afaka hanao izany dia tavela eo izany. Fitondrana inona ity miseho dedaka amin'ny zavatra hafa ity kanefa ny fitsinjovana ny zaza malagasy mba hisondrotany ataony an-tsiram-biny? Ny zana-bahoaka no asaina manampy ny fanjakana eo amin'ny seha-pampianarana, fa tsy vitany ny miantoka azy. Maneho miharihary ny tsy fahombiazan'izao fitondrana izao izany.

Ankoatra izay koa, dia mbola andoavam-bola ihany koa ny mpanao fizahana (visite médicale) ho an'ireo mpiadina. Vola 1500 Ar indray no voalaza fa aloa amin'izany. Tsy mba nisy taloha izany toe-javatra izany, fa vitan'izao fitondrana izao. Ho an'ny sahirana izany dia hiàla maina hijanona eo amin'ny kilasy faha-3 (Classe de 3ème) ny fara takat'izy ireo, fa tsy natao ho azy ny haka ny diplôma Bepc. Hahavita inona amin'ny fiainany any aoriana anefa izany? Ny iray kapoaka amin'ny vary aza mila tsy ho voavidin'ny fianakaviana sahirana amin'izao fotoana izao, ary misy miady varotra mihitsy mba ho afaka hividitapa-kapoaka. Mazava loatra, fa hanilika azy ireo no dikan'ny fitakiana vola aminy amin'ny fanadinana. Hoan'ireo olon'ny fitondrana, izay mpanefofo manan-karena, migalabona amin'ny harembe sy vola be anefa dia tsy ho tsapany, sy tsy ho azony an-tsaina velively izany olan'ny vahoaka sahirana izany. Ny fomba fahatakarany mantsy nambary tery aloha fa voarefy ihany, ary loko hafa hatrany no hitan'ny masonry fa tsy ny tena zava-misy marina.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Minosoa R.